

皇清經解續編

皇清經解集編

皇清經解續編卷一百八十五

南菁書院

左通補釋十六

起襄公十年盡十五年

錢唐梁履繩處素著

十會于柎解柎楚地

今山東兗州府嶧縣東南有渣口戍即今泇河入永水之泇

口又汪氏克寬曰偃陽國及柎地皆在沛縣

案縣屬江蘇徐州府蓋地

相接云

大事表七之四

柎有二襄十年會吳于柎是楚地昭六年鄭

伯勞楚公子弃疾于柎是鄭地

春秋分記疆理書十一

請伐偃陽解偃陽妘姓國今彭城傳陽縣也

今山東兗州府嶧縣南五十里有偃陽城

大事表五

邾人紇解紇邾邑大夫仲尼父叔梁紇也邾邑魯縣東南莖城

是也昭七年正義家語本姓篇云宋泯公熙生弗父何何生宋

父周周生世子勝勝生正考父考父生孔父嘉其後以孔為氏也孔父生木金父金父生皋夷父夷父生防叔防叔辟華氏之偏而奔魯生伯夏伯夏生叔梁紇梁紇即生孔子

聊論語作鄒注鄒孔子父叔梁紇所治邑正義曰古謂大夫

守邑者以邑冠之呼為某人孔叢子孔子將至晉臨津不濟

還轅息鄒

見記問篇

即此晉魯縣屬魯郡即今曲阜縣與今鄒縣

相接志云鄒縣西有東鄒村西鄒聚為兩邑接境處蓋即杜

氏所謂莖城也

春秋地名攷略二

案聊亦作鄒通志氏族略三云

正考父食邑於鄒生叔梁紇遂為鄒氏此語非也正考父居

宋安得食邑於魯且紇非考父之子傳亦稱鄒叔紇

十七年

未

聞後以之為氏又孔疏所引家語與今本不同泯公今作襄

公誤唐書宰相世系表五作潛公捷生弗父何是也伯兄云捷字誤

當作其其名捷者後之潛公也熙乃煬公名家語為誤宋父周今家語宋作

送譌世子勝當依唐表作世父勝皋夷父唐表作畢夷父今

家語作畢夷皋畢字同惟潛夫論志氏姓篇作祈父詩商頌正義引

世本作祁父同商頌正義所引世本云宋父生正考甫中缺世父勝

一代與它書不合疑傳寫有脫文耳禮記儒行正義孔子曾祖防叔生木金木金生

伯夏亦傳寫之謬顧氏世系表云昭七年杜注孔父嘉子奔魯而此

云防叔疑杜說是

以成一隊解百人為隊正義隊是成列之名百人為隊相傳為

然成一隊者言其當百人也

高誘曰軍二百人為一隊見淮南道應訓注司馬法云五人為伍十

伍爲隊

見李衛公兵法

是又以五十人爲隊國語曰百人爲徹行行

頭皆官師賈逵云百人爲一隊也官師隊大夫也

見史記馮唐傳索隱

案國語補音據索隱引吳語云云官師並作官帥又引賈逵云百人爲一卒卽一隊也與今本索隱異

故杜據

以爲說

惠氏補注三

案狄虎彌以一當百杜因解隊爲百人其

文十六年傳注云隊部也不言數之多寡蓋望文爲義耳

投之以机釋文以几本又作机同

馬融曰几長三尺阮譙曰几長五尺高二尺舊圖几兩端赤

中央黑蓋各述其所傳然也王設几於左右優至尊也諸侯

而下或設之左或設之右適事之宜也諸侯祭祀席右几筵

國賓左几則祭祀陰事也故右之筵國賓陽事也故左之甸

役亦右几以甸役陰事故也周禮甸役右漆几春秋之時智

伯在軍投之以几是也

禮書四十八

余羸老也

高誘曰羸劣人也

見淮南詮言訓
惠氏補注三

注

親受矢石正義周禮職金云云

石謂發石以投人也墨子曰備城者積石百枚重十鈞已上

者

後漢書堅
鐔傳注

請以桑林解桑林殷天子之樂名正義或曰禱桑林以得雨遂以桑林名其樂也皇甫謐云殷樂一名桑林以桑林為大濩別名無文可馮未能察也

桑林司馬云湯樂名崔云宋舞樂名案即左傳舞師題以旌

夏是也

莊子養生
主釋文

案莊子稱桑林之舞呂氏春秋誠廉篇

云使保召公就微子開於其頭之下而與之盟曰世爲長侯
守殷常祀相奉桑林注云相猶使也使奉桑林之樂又慎大
篇云立成湯之後於宋以奉桑林注桑山之林湯所禱也故
使奉之愚因疑殷人尊神湯以身禱得雨其子孫必立桑林
之社於宋或卽祀以殷天子之樂遂以桑林名之不敢仍大
濩之號也宋有桑林之門昭廿一亦取此義故下傳卜桑林見
杜云崇見於卜兆此蓋桑林之神爲崇若桑林專屬於樂樂
安得有崇乎

舞師題以旌夏解師帥也

浦氏正字
字从釋文

云注師帥也帥誤樂師二
校疏樂人之帥誤師盧弓

甫云宋本作師帥也愚案周官舞師
之祭祀又大司樂帥國子而舞樂師
帥射夫以弓矢舞可證旌
夏大旌也題識也以大旌表識其行列

司樂以樂舞教國子舞雲門大卷大咸大磬大夏大濩大武
大夏而上文舞也其執以羽大濩而下武舞也其執以干賈
公彥曰武舞有四表大濩已上應亦四表詳大司樂疏於理或然
春秋傳曰舞師題以旌夏蓋若今大樂以纛與旌引二舞者
歟禮書百二十九及著雍解著雍晉地

襄十九年晉荀偃歸濟河及著雍病昭十三年荀吳自著雍
侵鮮虞又襄二十一年晉使欒盈城著杜云晉邑疑卽著雍
也春秋地名攷略五著雍蓋晉適齊宋河以內之地當在直隸河間

府境大事表七之三

晉侯有閒解閒疾差也

閒猶瘳也

禮記文王世子注

病重之時病恆在身無少閒空隙病今

既損不恆在身其間有空隙故云閒猶瘳也瘳是疾減損也

又正義

義

偏陽妘姓也使周內史選其族嗣納諸霍人禮也解霍晉邑內

史掌爵祿廢置者使選偏陽宗族賢者令居霍奉妘姓之祀善

不滅姓故曰禮也

高誘淮南子注云天子不滅國諸侯不滅姓古之政也

見本經訓

惠氏

補注三晉獻公滅霍以爲邑後以賜先且居爲霍伯

文今山

西平陽府霍州

案州今升直隸州

西十六里有霍城

大事表七之三

生秦丕茲事仲尼

仍有力也臣錯曰魯有力人曰秦堇父好勇名其子曰丕茲

取此義說文臣字繫傳臣召南案丕茲卽秦商也史記孔子弟子傳

秦商字子丕鄭康成曰楚人家語七十二弟子解曰秦商魯

人字不慈鄭以爲楚人非也左傳考證案史記正義引家語作

丕茲與傳合索隱引家語云秦商魯人字丕慈少孔子四歲

其父堇與孔子父紂俱以力聞也與今家語小異釋文云一

本作秦不茲蓋丕不音近尙書金縢是有丕子之責于天鄭

玄云丕讀曰不是也見書正義徐楚金以丕爲丕義蓋本尙書禹

貢大伾山外傳周語上作丕山字得通用然義屬傳會不可

案據餘詳攷異

師于訾毋解宋地

訾毋當在今河南鹿邑縣境案縣屬歸德府日講春秋解義三十九

皇清經解賣編左通補釋十六

門于桐門哀廿六年解桐門北門

昭二十五年宋樂大心居桐門稱桐門右師

春秋地名攷略十

獻兆於定姜正義周禮大卜掌三兆之法云云

高誘曰兆契龜之兆也世所以占吉凶也

見本經訓注惠氏補注三

兆如山陵

馮氏山曰兆如山陵占人所謂兆廣也故主寇雄若兆豐則

禦寇者喪雄矣又曰從墨坼大曰兆廣吉岐出坼細曰兆豐

凶

慎氏闢義

孫蒯獲皇耳于犬丘

此卽襄元年鄭子然侵宋所取之犬丘也今屬鄭

周氏附論

子駟與尉止有爭

尉止子尉翩並以尉爲氏謂之尉氏圈稱陳畱風俗傳曰尉氏鄭國之東鄙弊獄官名也鄭大夫尉氏之邑故樂盈曰臣將歸死於尉氏是也

本水經渠水注
惠氏補注三

別詳廿一年

子駟爲田洫司氏堵氏侯氏子師氏皆喪田焉解洫田畔溝也子駟爲田洫以正封疆而侵四族田

子駟爲田洫當時何爲人皆喪田以此觀之蓋周之井田廢壞至此已見其端四家侵占遂更溝洫爲田子駟要整頓田洫便取四家田再開故四家作亂且田洫自古有之若仍舊制何緣喪田必其間嘗有侵削皆非舊制有如子產欲復鄭田制民謗以爲取我田疇而伍之此又見井田漸壞人皆謂商君開阡陌大壞井田之制曾不知其來之漸已久若使元

不曾壞商君亦未能一旦盡埽去先王之制不獨田制如此而先王之樂亦莫不然孔子指不正之樂歸之鄭聲如當時衛有桑間濮上之音子夏魏文侯之對言之甚詳皆是不正之音何故獨歸之鄭聲蓋鄭音首壞先王之樂其姦聲尤甚如十一年鄭以女樂二八賂晉侯後十五年鄭師慧過宋朝曰若猶有人豈其以千乘之相易淫樂之矇以此見鄭所有之樂皆非先王所有之樂亦如井田壞之有漸

呂氏春秋左氏傳說七

故五族聚羣不逞之人

斂聚羣不逞作怨之人

詩蕩箋

逞快也謂志意不快好作怨禍

者也

又正義

侯晉

侯晉或曰宣多子高氏左傳姓名同異攷一

子西解公孫夏子駟子王姓周公然曲阜縣次百里其相

齊公孫夏襄子杜氏世族譜季月煇專其國人始知立中軍因以

乃焚書於倉門之外軍制本無中軍制士不二軍晉制

倉門鄭之東南門以面石倉城而得名石倉城在陳畱西南

單七十里春秋地名攷略六

晉師城梧及制解梧制皆鄭舊地

嚴氏啟隆曰梧與制皆虎牢之旁邑城之所以翼虎牢案隋

書滎陽縣有梧桐澗疑即梧也制即北制見隱五年大事表七之二

至於陽陵解鄭地

陽陵在今河南許州西北日講春秋塹義三十九

筆門閨竇之人解筆門柴門閨竇小戶穿壁為戶上銳下方狀如圭也

說文引云筆門圭竈鄭氏禮記注云筆門荆竹織門也圭竈

門旁竈也穿牆為之如圭矣儒行竈與竇同物同音惠氏補注三

餘詳攷異

單靖公

靖公頃公之子頃公見三年杜氏世族譜

襄十季武子將作三軍解魯本無中軍唯上下二軍皆屬於公

有事三卿更帥以征伐季氏欲專其民人故假立中軍因以改作正義禮明堂位云成王封周公於曲阜地方七百里其時必

有三軍也云云

鄭答臨碩云魯頌公徒言三萬是二軍之大數又以此爲三軍者以周公受七百里之封明知當時從上公之制備三軍之數此叙云復周公之宇故此箋以三萬爲三軍言其復古制也又以凡舉大數皆舉所近者若是三萬七千五百大數可爲四萬此頌美僖公宜侈大其事不應減退其數以爲三萬故答臨碩謂此爲二軍以其不安故兩解之也今以春秋檢之則僖公無三軍襄十一年經書作三軍明已前無三軍也昭五年又書舍中軍若僖公有三軍則作之當書也自文至襄復減爲二則舍亦當書也春秋之例以軍賦事重作舍皆書於僖公之世無作舍之文便知當時無三軍也鄭以周公伯禽之世合有三軍僖公能復周公之宇遵伯禽之法故